

... un in Märchnweihnachtsmarkt mitsamt unnerer Voreinsbud wolln mir aa durchkriegen, wie des werd, des wissen mir aber erscht im nächstn Blattl...




2007	2013
2019	2017



Aamaldn un fahrn siehe Text of dor Seit zwee!

Museum, Tel. 2141




Erzgebirgischer Heimatverein
Eibenstock e.V.
8 Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt I



Nummer
187

Mitteilungsblatt des
Erzgebirgischen Heimatvereines
Eibenstock e.V.

Septmber
2020



Morgnrut ieber unnern Erzgebirg...

Aktuells vu unner Vürstandssitzung am 30. September anno 20

Nooch eweng Drängeln wurd endlich wieder emol ne Vürstandssitzung ins Labn gerufn. Durch de dabbische Corona is aa des ins Hinnertraffn gerotn. Aber is muss sei, ansinstn werd nischt, vu allaane gelei gar net!

In Oberschn Stiebl in Museum ham mir uns also getroffn un e paar wichtiche Dingle beredt. Abn suwos wies wettergieh söllt in dare Zeit, wu kaaner richtich was, was morgn mit de Corona-Eischränkung sei werd. Zenächst ham mor uns vorschwon, wieder rechelmäßig ze togn, des muss sei, dodormit allis im Verein besser un ordnlich wetter gieh kaa un aa jeds sei Aufgob kricht un aa ernst nimmt.

Dann sei de nächstn Termine beredt wurn, die mir ubedingt durchzern wolln – vorausgesetzt, de Corona läßt des zu:

Do wär als erschtis - des stieht ja schu in dor Aakindichung of dor Seit 7 – am 15.10.20 dor Ieberraschungsgast im Q-Stall. Do frei iech miech besonnerch drauf, des dar zugesaat hat, des gibt's net alleto, iech vorrots aber noch net!

Ausgemacht is wurn, des jeder pauschal 12 Euro ze bezohn hat, do is Assn un Trinken dorbei, in Rast legn mir als Verein drauf. Alle, die do mit dorbei sei wolln, müssn siech bis zen 11.10. im Museum maldn un aa gelei sogn, öb se gefahrn wern wolln, hie un zerick vorstieht siech. Ach ja, un war eham laafn will vu do hintn, dar kaa den klenn Wag zur Siedlung namme, blus, do is zwischndrinne eweng duster, do wär ne Taschnlamp aagebracht. Aber ansinstn is dar Wag asphaltiert un gut begiehbar. Coronaregeln sei eizehaltn, zur Vorsicht ne Maske mietbrenge, un dann im Q-Stall net esu imarme, kuschln un ketschln wie sinst. Dann giehts schu, lustich un schie werds vu ganz allane! Wenn dor aane oder annere noch in Freind mietbrenge will wang den schenn Programm – dar is harzlich willkomme!

Bastln wölln mir fei aa, un des vorsuchn mir an 12.11. oder 19.11.20 in Spartnheim an dor Vodelstroß unnerzebrenge.

Unnere Weihnachtsfeier mit schiener arzgebirgschn Weihnachtsmusik söll am Fr., 11.12. stattfindn, wu werd noch gesucht.

Dann ham mir noch emol ieber de Geburtstichrechlung noochgedacht. Bei dar Corona konntn ja net alle bedacht warn. Mir wolln aber in Zukunft wieder dra festhaltn, des ze folgnndn Geburtstoge hiegange un gratuliert ward: 70, 75, 80, un ab 85 ze jedn. De Annita söll ja nu entlast warn, se is ja aa nimmer de Gingste un hat in ganzn Haufn Terminle bei de Doktorn. Do wern zwee Leit gesucht, die des in eichner Rechie un Osproch iebernamme.

Su, des wars erscht emol, halt, dor Vürstand trifft siech am 4.1.21, also im neie Gahr wieder un muss do schu is ganze zweetausndaanezwanzich in Sack un Tietn ham!

Eier Schmidt

Wir gratulieren unseren Heimatfreunden

Rainer Tittel	am 02.10.	zum 72. Geburtstag
Antina Richter	am 10.10.	zum 57. Geburtstag
Horst Diersch	am 15.10.	zum 91. Geburtstag
Liane Georgi	am 16.10.	zum 91. Geburtstag
Eberhard Oswald	am 20.10.	zum 71. Geburtstag
Adelheid Müller	am 29.10.	zum 76. Geburtstag
Hubert Brückner	am 31.10.	zum 55. Geburtstag



*Alles Grosse in unserer Welt geschieht nur,
weil jemand mehr tut, als er muss!*

- Hermann Gmeiner, Gründer der SOS - Kinderdörfer -

Hallo ihr Leit!

Wie versprochen unser Oktobertreff:

Donnerstag, 15. Oktober, 18.00 Uhr im

Bitte anrufen, wer teilnimmt

Tel.: Museum 2141

... siehe auch Seite 2 !!!



Auf giehts, nicht wie dortnhie!!!

mit einem besonderen Überraschungsgast!

Pauschaler Unkostenbeitrag:

12,00 € für Essen und Trinken

Schu aaner vu unneren Dichtern, dor Busch Wilhelm,
hat siech mit ne Älterworn befasst,
zwar net in unnerer arzgebirgchn Sproch,
aber do ka iech ihm ja eweng dorbei halfn:

*Des große Glick noch klaa ze sei,
sieht mannicher als Kind net ei
un möcht, des ar su ugefähr
schu Sachzn oder Siebzn wär.*



*Doch schu mit Achzn denkt ar: „Halt!
War ieber zwanzich is, dar is schu alt!“
De Zwanzich is doch racht vorgniechlich,
aa des Dreißich noch vorziechlich.*

*Zwar in de Vierzich – welch ne Wend -
do gilt de Fuffzich fast als End.
Doch Mitte Fuffzich - pö a pö -
schraubt mor des End schu in de Höh!*



*De Sachzich scheint noch ganz passabl
un erscht de Siebzich misorabl.
Mit Siebzich hofft mor aber still:
„Iech schaff de Achzich – su Gott will!“*

*War Achzich biblich ieberlebt,
zielsicher of de Neinzich strebt.
Dort aagelangt, sucht ar geschwind
nooch Freindn, die noch älter sind.*



*Un hat mor Mitte Neinzich grad dorreicht
- de Gahre, wu en nischt meh wunnert -
denkt mor mitunner: „Nu vielleicht
schaff iech dorwagn aa noch de Hunnert!“*



Ausgebuzt! Lieblingswort rund im Hobbie un Freizeit

War vu eich de Freie Prass un dodorvu wieder unnerer Kreisseitn hat, dar hat aa am 30. September bestimmt den Artikel mit de arzgebirgchn Lieblingswörtl gelaasn.

Des ganze Theater zieht siech is ganze Gahr schu hie, un nu hat ne Schürie ganze 10 Vürschläch gebracht, wu mir alle wähln sölln, wos is schenste Lieblingswort im Gahr 2020 warn söll. Un des sei se, mit dor huchdeitschn Bedeutung dorzu:

- | | |
|-----------------------|---|
| • Hutzn gieh | gemütliches Beisammensein |
| • Kaashitsch | kleiner Schlitten |
| • dambern | unnützlich die Zeit verbringen |
| • gauksn | Falsch un laut singen |
| • Huppeditl | aufgeregtes Kind |
| • ketschln | schunkeln (oder Kind im Wagen Schaukeln) |
| • tschinnern | auf festem Schnee oder Eis schlittern |
| • buzln | nicht mehr schlafen, nicht ganz wach sein |
| • in de Schwamme gieh | Pilze suchen |
| • Hiestirzmitz | Sturzhelm |

De Schüriemitglieder sei siech alle aanich: „Is zeicht siech, wie kreativ unnerer arzgebirgche Muttersproch dorwagn sei kaa. Unneren Strich zeicht siech e ausgewugner Mix aus klangvolln, witzichn un urichn Wörtern!“

Mir gefällt schu mol de Hiestirzmitz, des is schu mol e genjaler Ausdruck for su ne halbrunde Kapp ofn Motor- oder aa ofn Fahrradl. Die annern Ausdruckle sei ja nu schu längst bekannt un in Gebrauch.

Dodorzu gabs ja aa iebers ganze Gahr in Aufruf, 8-zeilig gereimt is for ihrn Haamitort ze bringe un des muss aa noch e Liedl dorgabn, wu de Melodie dor Mundart-Sänger Hendrik Seibt am Aafang geschriebn hat. Do sei fast hunnert Strofn aus 60 Ortschaftn zamkumme! Des do aa „Reim-diech-oder-ich-frass-diech“ Textle dorbei sei, die noocherts gar net nei die vürgefertichte Melodie neipassn, is eingtlich ganz wurscht: Is wichtiche is dorbei, is zeicht halt, des ieber unner Arzgebirg, ieber unnerer Haamitstädtle in lusticher Weis in su nor grußn Zohl noochgedacht un irgndwie aufgeschriebn werd.

Bis zen 16.10 kaa jeder dar will, sei Stimm an de FP Annaberg oder an ne grußn Arzgebirgsvorein noch ogabn.

Am 8.11. wird im Volkshaus Thum des Geheimnis im des Siecherwort gelüft un aa dor nei Arzgebirgs-Song gesunge. Mor derf gespannt sei!

Dor Budnzauber bei de Schmidts

Im Mai geplant un wie allis wagn dare Corona-Sach zu den Zeitpunkt net machbar!

Aber itze hats geklappt: an Mantich, ne 14. September sei fast alle eigerickt, die bein Auf- un Abbau unnerer Weihnachtsbud bein letztn Märchnweihnachtsmarkt 2019 su wie bein Gliehweih- un allerhand Asserei un Klaakramverkaafn vu unnern Verein dorbei warn. Mir hattn uns Aafangs eweng vor-



zählt bein Eirichtn. Aber dann kame dorwagn immer meh un su musstn noch sämtliche Stiehl hargeschafft warn, die mir anesinst normalerweis gar net brauchn! Zen Schluss hattn aber alle Platz of unnerer Terrass!

Jeder musst in dare Hitz enn Gliehweibacher neiwirgn un dodorzu gobs ieber de Lautspracher de dorzugehörliche Musik:

„LEISE RIESELT DOR SCHNEE“



De Nachbarn ringsrim warn schu wieder sogn: Bein Schmidti hamse in Knall! Aber des stert uns fei net, mir wissen warim, unner Budnzauber muss nu mol jeds Gahr wieder



sei als Dankeschön forn gutn un schenn Zamhalt un for de geleiste Arbit!

Un es Zamtraffn hat alln gut geta, des kunnt mor an den lautn Geschnatter hern! Do gobs suviel ze dorzähl'n – wos allis

passiert is in unnern Eimstock seit unnerer Kramserfahrt in August. Auf jedn Fall wars sehr, sehr lustich, alle warn gut drauf un freie siech schu ofn nächstn Hutznobnd in Oktober mit ne richtig gutn leberraschungsgast!



Den hob iech natierlich net vorrottn, sinst wärs ja kaane leberrasching! Besonnersch gut wars ja an den Tog, des is noch esu schie warn war un mir grod aa wagn

dare Coronaeischränkung in Freie sitzn kunntn. Itze werds langsam ernst, wies mit den diesgähring Weihnachtsmarkt lusgieht un öb ieberhaupt... Nu hoffntlich !!!!!!!!!!!!!!!

Bis zen Oktober
Eier Schmidti

